

CXC VIII.

Dat. 10. Julii 1700. An. 9.

Confirmatur Decretum Card. Protectoris pro alternativa in Provincia S. Joannis Evangelistae Insularum Azorum sub Regno Portugalliae Ord: Min: de Obsery:

Const: ed: 1698, P. 8 confirmata fuit alternativa pro Provincia Cantabriae. Et Inn: XIII Const: ed: 1721, Jan: 16. P. 1. agitur de alternativa in Provincia Lusitania Reformatorum.

INNOCENTIUS PAPA XII.

Ad futuram rei memoriam.

Hae alterna-tiva fuit in Capitulo Provinciali 1690. circa electionem Provincialis, & celebrationem Capituli.

Nuper pro parte dilecti Filii Antonii de Pillar Fratris expresse professi Ordinis Minorum S. Francisci de Observantia nuncupatorum, ac Commissarii, & Procuratoris Provincialium Sancti Joannis Evangelistae Insularum Azorum sub Regno Portugalliae ejusdem Ordinis Congregationi Venerab: Fratrum Nostrorum S. R. E. Cardinalium negotiis, & Consultationibus Episcoporum, & Regularium praeposita exposito, quod in Capitulo Provinciali dictae Provinciae Anno 1690. celebrato pro quiete ipsius Provinciae Decretum, & stabilitum fuerat Alternativam electionem Ministri Provincialis ejusdem Provinciae, ita scilicet, ut pro uno ex Fratribus Insularum Sancti Michaelis, & Sanctae Mariae pro altero vero triennio, ex Fratribus Terzeras nuncupatis, aliarumque adjacentium Insularum Provinciae hujusmodi assumendus est, observari debere, & successive etiam stabilitum fuerat Capitulum Provinciale ejusdem Provinciae semel in Sancti Michaelis, & Sanctae Mariae, & semel in Terzeras Insulis praedictis celebrandum esse; sed cum post unius triennii lapsum Diffinitorium Provinciae praefatae congregatum fuisset, in eo Statutum extiterat, ut memorata Alternativa quoad celebrationem Capituli Provincialis hujusmodi, Visitatoris dictae Provinciae, & ipsius Diffinitoris arbitrio relinquerentur. Et in eadem expositione subjuncto quod cum posterius Statutum hujusmodi ad turbandam Religiosum dictae Provinciae tranquillitatem tenderet, & per illud ea, quae in supradicto Capitulo Provinciali, sicut praemittitur, Decreta, & stabilita fuerant, contemnerentur, & evertentur; ideoque ipse Antonius, & dilectus pariter filius Minister Provincialis ejusdem Provinciae praevidentes graves, & inevitabiles perturbaciones suborturas fore, si praenarrata dicti Capituli Provincialis Decreta, & stabilita non observarentur, Venerabili Fratri Michaeli Angelo Archiepiscopo Tharsen. in Portugalliae, & Algarbiorum Regnis Nostro, & Apostolicae Sedis Nuncio supplicavissent, ut illa approbaret, & confirmaret, praefatum vero Diffinitoris Statutum aboleret, & irritaret, ipse Michael Angelus Archiepiscopus, & Nuncius, cum cognovisset quantum inde Religiosae quietis Provinciae praefatae proventurum esset, praevius debitis informationibus per suas Literas die 9. Decembris anni proxime praeteriti expeditas, eadem Decreta, & stabilita confirmaverat; dicta vero Statuta specialiter, & ex se derogaverat, & alias prout in dictis Literis praefatae Cardinalium Congregationi exhibitis uberius dicebatur contineri: Ac proinde pro parte Antonii, & Ministri Provincialis praefatorum ipsi Congre-

Confirmata fuit a Nuncio Ap. an. 1690. contra Diffinitivum.

gationi Cardinalium supplicato, ut praedictis Literis, pro firmiori illarum subsistentia, stabilique dictae Provinciae pace, & quiete confirmationis robur adungere dignaretur, eadem Congregatio Cardinalium per suum Decretum die 18. Junii proximi praeteriti emanatum, audito super praemissis dilecto etiam Filio Procuratore Generali Ordinis praedicti, & attenta relatione Venerabilis Fratris Nostri Alderani Episcopi Ostien. ejusdem S. R. E. Cardinalis Cybo nuncupati Ordinis supradicti apud Nos, & S. Sedem Apostolicam Protectoris desuper ipsis Cardinalibus facta, supplicem Libellum sibi super iisdem praemissis porrectum benigne remisit eidem Alderano Episcopo Cardinali, & Protectori, ut veris existentibus narratis, & quatenus expedire censuisset, petitam confirmationem pro suo arbitrio, & prudentia concederet. Unde ipse Alderanus Episcopus Cardinalis, & Protector Decretum edidit tenoris, qui sequitur videlicet = Alderanus Miseratione Divina Episcopus Ostien. & Veliternen. S. R. E. Cardinalis Cybo Sacri Collegii Decanus, & totius Ordinis Sancti Francisci apud Sanctam Sedem Protector. Utentes arbitrio per antefcriptum Decretum Nobis a Sacra Congregatione remisso, verisque competitis narratis, Oratorum precibus benigne inclinati, tenore praesentium, auctoritate ejusdem Sacrae Congregationis petitam confirmationem concedimus, & impartimur. Datum Romae 19. Junii 1700. = A. Cardinalis Cybo = I. M. de Gais Secretarius =

Decretum n. Card. Protectoris, quo confirmatum fuit Decretum N. cii Apoll.

Preces Procuratoris Gen.

Confirmatio relati Decreti Card. Protectoris.

Clausula.

§.1. Cum autem, sicut dictus Antonius Nobis subinde exposuit fecit, ipse Decretum hujusmodi, quo firmius subsistat, & servetur exactius, Apostolicae confirmationis Nostrae patrocinio communiti summopere desideret: Nos ipsius Antonii votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum praesentium a memorato Alderano Episcopo Cardinale, & Protectore, editum, ut praefertur, auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervererint, supplemus.

§.2. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus & per omnia plenissime suffragari, & ab eis respective inviolabiliter observari: Sicut in praemissis per quoscumque Judices, Ordinarios, & Delegatos, etiam Casarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.3. Nou obstantibus praemissis, ac Constitutionibus, & Ordinationibus Apostolicis, nec-

non

non quatenus opus sit, praedictorum Ordinis, & Provinciae etiam juramento confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die X. Julii MDCC. Pontific. Nostri Anno Nono.

CXC IX.

Dat. 29. Julii 1700. An. 10.

Confirmatur Decretum Congregationis Visitatoris contra Regulares Aromatarum exercentes pro Collegio Aromatariorum de Urbe.

De Confessariis Regularibus vide Const: ed: 1698, Sep: 6, P. 8. Et de eorum privilegiorum revocatione Clem: XI Const: ed: 1719, Sep: 7, P. 19.

INNOCENTIUS PAPA XII.

Ad futuram rei memoriam.

Decretum d. Congregationis

Alias emanavit a Congregatione Venerabilium Fratrum Nostrorum S. R. E. Cardinalium, & dilectorum filiorum Romanae Curiae Praelatorum super negotiis Visitatoris Apostolicae Ecclesiarum, & Locorum piorum Almae Urbis Nostrae a Nobis deputatorum, Decretum tenoris, qui sequitur, videlicet = Sacra Congregatio Visitatoris Apostolicae habita die 15. Martii 1695. In Causa Romana pro Collegio Aromatariorum contra Religiosos Aromatarum exercentes, proponente Eminentissimo, ac Reverendissimo Domino Cardinale Acciajolo rescripti, ut infra, videlicet = Servetur Decretum Sacrae Visitatoris Anni 1662., nempe licere Regularibus utriusque sexus retinere Aromatarum intra Clausura Monasterii pro Religiosis pauperibus, & Benefactoribus dumtaxat, quibus gratis medicamento suppeditari debeant juxta Barchinonen. coram Caccia; secus vero illa vendere Saecularibus, & aliis Personis Ecclesiasticis exceptis Theriaca, & Jacinto, & aliis vulgo nuncupatis Chibici, dummodo tamen

non sint preparata, non composita, neque admixta cum aliis speciebus medicaminum ad usum potionis, vel alterius medicamenti confecti cum receptis Medicorum. Datum dicta die 15. Maji 1695. = I. Caracciolus Secretarius.

§.1. Cum autem, sicut dilecti filii Collegium, & Consules Aromatariorum dictae Urbis Nobis nuper exposuerunt, ipsi Decretum hujusmodi, qui firmius subsistat, & servetur exactius, Apostolicae confirmationis Nostrae patrocinio communiti summopere desideret: Nos specialiter, ipsi Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, Decretum praesentium auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervererint, supplemus.

§.2. Decernentes easdem praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: Sicut in praemissis per quoscumque Judices Ordinarios, & Delegatos, etiam Casarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.3. Non obstantibus Constitutionibus Apostolicis, ceterisque contrariis quibuscumque.

§.4. Volumus autem, ut earumdem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica Dignitate constitutae munitis eadem prorsus fides tam in Judicio, quam extra illud ubique locorum habeatur, quae haberetur ipsis praesentibus, si forent exhibitae, vel ostense.

Datum Romae apud Sanctam Mariam Majorem sub Annulo Piscatoris die XXIX. Julii MDCC. Pontificatus Nostri Anno Decimo.

Preces Collegii, & Consularum.

Confirmatio relati Decreti.

Clausula.

Finis Tomi Summorum Pontificum Alexandri VIII., & Innocentii XII.